

T-3

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 122. sjednici, održanoj dana 23.09.2021. godine, d o n o s i

ZAKLJUČAK

I.

Utvrđuje se Prijedlog Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15).

II.

Prijedlog odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-M-12816 121
Datum, 23.09.2021. godine
Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

Stručna služba Skupštine,

1x a/a.



PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na sjednici održanoj dana _____.____.2021. godine, donosi

O D L U K U

o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta

Član 1.

(Predmet)

Stavlja se van snage Odluka o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15).

Član 2.

(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj:
Datum:
Zenica

PREDSJEDAVAJUĆI SKUPŠTINE

Ćazim Huskić

O b r a z l o ž e n j e

I USTAVNI OSNOV

Ustavni osnov za donošenje ove odluke je član 37. stav 1. tačka f) Ustava Zeničko-dobojskog kantona.

II ZAKONSKI OSNOV

Zakonski osnov za donošenje ove odluke je član 54. Zakona o poljoprivrednom zemljištu („Službene novine Federacije BiH“, broj: 52/09) i član 10. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09).

III RAZLOZI ZA DONOŠENJE

Ured za reviziju institucija u Federaciji Bosne i Hercegovine u Izvještaju o finansijskoj reviziji Ministarstva za 2018. godinu broj: 01-02-07-14-2-2030-6/18 od 16.09.2019. godine dao je preporuku ovom Ministarstvu koja glasi: „Intenzivirati aktivnosti na efikasnijem utrošku namjenskih sredstava prema programima utroška i sačiniti adekvatnu analizu o postignutim efektima“, shodno Zakonu o izvršavanju Budžeta Kantona. Naime, iz Izvještaja o izvršenju Budžeta Zeničko-dobojskog kantona za 2018. godinu i Izvještaja o realizaciji Programa utroška sredstava za uređenje zemljišta za 2018. godinu, od planiranih 1.000.000,00KM potrošnja sredstava je bila 1,98% odnosno 19.839,00 KM, a u Izvještaju o realizaciji Programa utroška sredstava za uređenje zemljišta za 2019. godinu potrošnja sredstava je bila 5%, odnosno 50.561,00KM jer je članom 2. Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15), ograničen utrošak namjenskih sredstava isključivo na uređenje privatnog poljoprivrednog zemljišta namjenjenog primarnoj poljoprivrednoj proizvodnji.

Članom 54. Zakona o poljoprivrednom zemljištu („Službene novine Federacije BiH“, broj: 52/09), a u vezi sa članom 10. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09) je propisano da je naplaćena naknada na osnovu promjene namjene poljoprivrednog zemljišta u nepoljoprivredne svrhe posebna vrsta prihoda budžeta kantona i vodi se na posebnom računu, a može se koristiti samo u sljedeće svrhe i to: 1. izradu osnova, programa i projekata zaštite, korištenja i uređenja poljoprivrednog zemljišta; 2. provođenje mjera zaštite, korištenja i uređenja poljoprivrednog zemljišta i za inundaciona područja; 3. uspostavu informacionog sistema za zemljište; 4. zemljišni monitoring; 5. izradu karte upotrebne vrijednosti zemljišta; 6. izradu projekta višenamjenskog vrednovanja; 7. realizaciju poslova utvrđenih Strategijom i Programom gospodarenja; 8. dekontaminaciju zemljišta i podizanje zaštitnih pojaseva u neposrednoj blizini putnih komunikacija.

Imajući u vidu navedeno, ovo Ministarstvo predlaže stavljanje van snage postojeće Odluke jer se na taj način omogućava ovom Ministarstvu da prikupljena sredstva od promjene namjene poljoprivrednog zemljišta u nepoljoprivredne svrhe troši efikasnije, a sve u skladu sa članom 54. Zakona o poljoprivrednom zemljištu i članom 10. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države.

IV OBRAZLOŽENJE PRAVNIH RJEŠENJA

Članom 1. predviđeno je stavljanje van snage Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15).

Članom 2. predviđeno je stupanje na snagu Odluke i objava u „Službenim novinama Zeničko-dobojskog kantona“.

V FINANSIJSKI EFEKTI

Donošenjem ove odluke neće iziskivati izdvajanje dodatnih finansijskih sredstava iz Budžeta Zeničko-dobojskog kantona odnosno donošenjem ove odluke dovest će do efikasnijeg utroška namjenskih sredstava.

DIO TREĆI - SREDSTVA ZA RJEŠAVANJE STAMBENIH POTREBA**Član 5.
(Sredstava)**

- (1) Sredstva za rješavanje stambenih potreba sukladno ovoj odluci, osiguravaju se iz sredstava naplaćene otplate po osnovu ranije odobrenih kredita na osnovu Odluke o kreditiranju stambenih potreba mladih („Službene novine Zeničko-dobojskog kantona“, broj: 10/06 i 1/07).
- (2) Ugovorom između Vlade Kantona i poslovne banke regulirat će se međusobna prava i obaveze u skladu sa ovom odlukom.
- (3) Kontrolu namjenskog korištenja kredita vršit će poslovna banka u skladu sa ugovorom iz stava (2) ovog člana.
- (4) Po odobrenom kreditu ovlaštena poslovna banka će sa korisnikom kredita zaključiti ugovor o kreditu.

DIO ČETVRTI - ORGANI ZA SPROVOĐENJE OVE ODLUKE**Član 6.
(Nadležnost)**

- (1) Vlada Kantona nadležna je za provođenje ove odluke i to za:
 - a) raspoređivanje sredstava za dodjelu kredita,
 - b) propisivanje uvjeta i kriterija za kreditiranje,
 - c) imenovanje Komisije za dodjelu kredita (u daljem tekstu: Komisija),
 - d) davanje suglasnosti na rang-listu, koju utvrđuje Komisija.
- (2) Sve poslove administriranja vezanih za obradu pojedinačnih zahtjeva za dodjelu kredita vršit će poslovna banka i tako nastalu prateću dokumentaciju dostavit će Komisiji.
- (3) Na osnovu dostavljene dokumentacije Komisija utvrđuje rang-listu.

**Član 7.
(Rok za propisivanje uvjeta)**

Vlada Kantona će u roku od 30 dana od dana stupanja na snagu ove odluke propisati uvjete i kriterije za odobravanje kredita i imenovati Komisiju.

**Član 8.
(Prestanak važenja Odluke i nastavak započetih postupaka)**

- (1) Stupanjem na snagu ove Odluke prestaje važiti Odluka o kreditiranju stambenih potreba mladih („Službene novine Zeničko-dobojskog kantona“, broj: 10/06 i 1/07).
- (2) Svi slučajevi, odnosno postupci koji do dana stupanja na snagu ove Odluke nisu okončani završit će se po odredbama Odluke o kreditiranju stambenih potreba mladih („Službene novine Zeničko-dobojskog kantona“, broj: 10/06 i 1/07).

**Član 9.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-14-14477/15
Datum, 16.07.2015. godine
Zenica

PREDSJEDAVAJUĆA
Draženka Subašić, s.r.

200.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 12. sjednici održanoj dana 16.07.2015. godine, donosi:

**ODLUKU
o korištenju sredstava prikupljenih od naknada
za promjenu namjene poljoprivrednog zemljišta****Član 1.
(Predmet Odluke)**

- (1) Sredstva prikupljena od naknada za promjenu namjene poljoprivrednog zemljišta, koja su predmet ove odluke, prikupljaju se i raspodjeljuju u skladu sa Zakonom o poljoprivrednom zemljištu („Službene novine FBiH“ broj 52/09).
- (2) Prikupljena sredstva su namjenska sredstva i koristit će se isključivo za uređenje poljoprivrednog zemljišta namijenjenog primarnoj poljoprivrednoj proizvodnji.
- (3) Za korištenje ovih sredstava ne mogu se kandidirati poljoprivredne parcele koje su prostornim planom općine određene za građenje, parcele koje se u zemlji-

šnjim knjigama vode kao šumsko zemljište, pašnjaci i parcele čiji korisnici imaju zakonsku obavezu rekultivacije.

Član 2.

(Uslovi i kriteriji za korištenje sredstava)

- (1) Pravo korištenja sredstava imaju fizička i pravna lica koja ispune sljedeće uslove:
 - a) imaju zemljište i prebivalište na području Zeničko-dobojskog kantona,
 - b) prijave se na Javni poziv koji raspisuje Ministarstvo za poljoprivredu, šumarstvo i vodoprivredu Zeničko-dobojskog kantona,
 - c) provedu mjere uređenja u skladu sa Uputstvom, a koje propisuje Ministar Ministarstva za poljoprivredu, šumarstvo i vodoprivredu Zeničko-dobojskog kantona (u daljem tekstu: Ministar),
 - d) zasnjuje primarnu poljoprivrednu proizvodnju na uređenoj parceli u optimalnom roku zasnivanja za prijavljenu primarnu poljoprivrednu proizvodnju,
 - e) nemaju dospjelih a neizmirenih obaveza po osnovu poreza i drugih javnih prihoda,
 - f) imaju riješene vlasničke odnose (vlastito zemljište).
- (2) Obradu prispjelih zahtjeva obavlja službenik nadležan za poslove za upravljanje i zaštitu poljoprivrednog zemljišta.

Član 3.

(Program)

Programom korištenja namjenskih sredstava prikupljenih od naknada za promjenu namjene poljoprivrednog zemljišta, koji donosi Vlada Kantona, propisuju se okvirni uslovi za prijavu i dodjelu istih.

Član 4.

(Uputstvo)

Uputstvom iz člana 2. stav (1) tačka c) ove Odluke, koje donosi Ministar, detaljno se propisuju način i uslovi za ostvarenje prava na odobravanje namjenskih sredstava.

Član 5.

(Način imenovanja i rad Stručne komisije)

- (1) Stručnu komisiju koja će provesti postupak imenuje Ministar.
- (2) Komisija je sastavljena od četiri (4) člana:
 - dva člana iz Ministarstva za poljoprivredu, šumarstvo i vodoprivredu (u daljem tekstu Ministarstvo) i
 - dva člana iz Općine (diplomirani inženjer poljoprivrede i geometar ili geodet).

- (3) Općine su dužne dostaviti prijedlog za članove Stručne komisije u roku po zahtjevu Ministarstva.
- (4) Ukoliko Općine ne dostave prijedlog članova komisije u traženom roku zahtjevi poljoprivrednih proizvođača sa područja ovih općina neće se obrađivati.
- (5) Stručna komisija koju imenuje Ministar propisuje mjere uređenja poljoprivrednog zemljišta.
- (6) Nakon što stranka završi uređenje i zasnjuje prijavljenu proizvodnju, ocjenu provedenih mjera uređenja zemljišta obavlja Stručna komisija uvidom na terenu.
- (7) Komisija za svoj rad odgovara Ministru.
- (8) Na osnovu uvidaja Stručne komisije Ministarstvo radi obračun za odobravanje sredstava. Ministarstvo dostavlja Vladi Zeničko-dobojskog kantona prijedlog zaključka o odobravanju sredstava za uređenje poljoprivrednog zemljišta.
- (9) U slučaju da stranka ne provede mjere uređenja koje je propisala Stručna komisija ili ne zasnjuje prijavljenu proizvodnju, Ministar na prijedlog Stručne komisije donosi rješenje o odbijanju zahtjeva za korištenje sredstava prikupljenih od naknada za promjenu namjene poljoprivrednog zemljišta.
- (10) Na rješenje Ministra može se izjaviti žalba Federalnom ministarstvu poljoprivrede, vodoprivrede i šumarstva u Sarajevu u roku od 15 dana od dana prijema rješenja.

Član 6.

(Visina sredstava)

Sredstva za uređenje poljoprivrednog zemljišta odobravaju se u maksimalnom iznosu do 5.000,00 KM/ha.

Član 7.

(Sredstva za rad Stručne komisije)

- (1) Troškove rada Stručne komisije snosi podnosilac zahtjeva.
- (2) Visina naknade za rad Stručne komisije iznosi od 200,00 – 1000,00 KM u zavisnosti od prijavljene površine zemljišta.
- (3) Prikupljena sredstva po ovom osnovu koristiće se za plaćanje članova komisije iz Općina, a preostali dio će se prikupljati na zasebnoj partiji i usmjeriti za nabavku opreme za rad komisije na terenu (automobil, GPS uređaj...).

Član 8.

(Stavljanje Odluka van snage)

Ovom Odlukom stavljaju se van snage Odluka o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj 10/06 od 20.09.2006.) i Odluka o izmjenama i dopuni Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj 04/08 od 28.04.2008. godine).

Član 9.

(Stupanje na snagu i objavljivanje Odluke)

Odluka stupa na snagu osmog dana od dana objavljivanja u „Službenim novinama Zeničko-dobojskog kantona“

Broj: 01-14-14478/15
Datum: 16.07.2015. godine
Zenica

PREDSJEDAVAJUĆA**Draženka Subašić, s.r.****201.**

Na osnovu člana 14. stav 1. Zakona o Agenciji za privatizaciju Zeničko-dobojskog kantona Službene novine Zeničko-dobojskog kantona broj: 4/97, 15/97, 6/01 i 8/10), Skupština Zeničko-dobojskog kantona na 12. sjednici održanoj dana 16.07.2015. godine, d o n o s i:

ODLUKU

o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona

Član 1.

U Nadzorni odbor Agencije za privatizaciju Zeničko-dobojskog kantona imenuju se:

1. Sejid Hajdarević - predsjednik
2. Elmir Isaković - član
3. Senad Halilović - član

Član 2.

Imenovanje iz prethodnog člana vrši se na period od dvije godine.

Član 3.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“

Broj: 01-34-14479/15
Datum: 16.07.2015. godine
Zenica

PREDSJEDAVAJUĆA**Draženka Subašić, s.r.****202.**

Na osnovu člana 37. stav 1. tačka g) Ustava Zeničko-dobojskog kantona i članova 27., 37. i 38. Zakona o budžetima Federacije Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14 i 8/15), Skupština Zeničko-dobojskog kantona na 13. sjednici održanoj dana 29.07. 2015. godine, donijela je:

O D L U K U**I**

Daje se saglasnost na Odluku o izmjenama i dopunama Finansijskog plana Zavoda zdravstvenog osiguranja Zeničko-dobojskog kantona za 2015. godinu sa Odlukom o izmjenama i dopunama Odluke o načinu izvršenja Finansijskog plana Zavoda zdravstvenog osiguranja Zeničko-dobojskog kantona za 2015. godinu.

II

Ova Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 01-14-15021/15
Datum: 29.07.2015. godine
Zenica

PREDSJEDAVAJUĆA**Draženka Subašić, s.r.**



Broj: 03-20-10383-3/21
Zenica, 13.09.2021. godine

14-09-2021

0302
K17
MINISTARSTVO ZA POLJOPRIVREDU,
ŠUMARSTVO I VODOPRIVREDU
ZENIČKO-DOBOJSKOG KANTONA

PREDMET: Mišljenje o prijedlogu Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta-dostavlja se

U skladu sa članom 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine Federacije BiH“, broj 8/96 i „Službene novine Zeničko-dobojskog kantona“, broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 10/21), te na osnovu uvida u tekst prijedloga Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta, u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE


Ustavni i pravni osnov prijedloga Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta (u daljem tekstu: Odluke) je pravilno utvrđen.

U nomotehničkom smislu, prijedlog Odluke je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08).

Imajući u vidu naprijed navedeno, stekli su se uvjeti za davanje mišljenja shodno članu 31. stav (1) tačka a) Poslovnika o radu Vlade Zeničko-dobojskog kantona („Službene novine Zeničko-dobojskog kantona“ broj: 10/21) i upućivanje prijedloga Odluke u dalju proceduru.

S poštovanjem,

Dostavljeno:
1x Naslovu,
1 x a/a.



SEKRETAR

Mirnes Burkić

14-09-2021

6093/21

03.02

713

Bosna i Hercegovina
Federacija Bosne i Hercegovine
ZENIČKO-DOBOJSKI KANTON



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF
JUDICIARY & ADMINISTRATION

Ministarstvo za poljoprivredu, šumarstvo
i vodoprivredu
n/r ministra
-ovdje-

Zenica, 13.09.2021. godine
Veza Vaš broj: 05-20-10383-2-1/21. od 08.09.2021.god
Naš broj: 06-04/1-20-10383-1/21

PREDMET: Prijedlog Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta, dostavlja se

U skladu sa članom 11. Zakona o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj 10/15), i članom 31. stav (1) tačka b) Poslovnika o radu Vlade Zeničko- dobojskog kantona („ Službene novine Zeničko- dobojskog kantona“, broj:10/21), te na osnovu uvida u korigirani tekst Prijedloga Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta (u daljem tekstu : Prijedlog Odluke) dostavljenom aktom veze, u postupku pravne analize Prijedloga Odluke, provedene s ciljem utvrđivanja usklađenosti iste sa:

- Europskom konvencijom o zaštiti ljudskih prava i sloboda i drugim pravima,
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14),
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05),
- Zakonom o kantonalnim ministarstvima i drugim tijelima kantonalne uprave („Službene novine Zeničko- dobojskog kantona“, broj: 10/15), daje se

Mišljenje


Ministarstvo za pravosuđe i upravu Zeničko-dobojskog kantona (u daljem tekstu : Ministarstvo) je već ranije dalo mišljenje na prijedlog Odluke o stavljanju van snage Odluke o korištenju sredstava prikupljenih naknada za promjenu namjene poljoprivrednog zemljišta , aktom broj 06-04/1-20-10383/21 od 02.08.2021. godine. U postupku davanja mišljenja na korigirani akt, broj i datum veze, s aspekta svoje nadležnosti, Ministarstvo također nema primjedbi na dostavljeni Prijedlog Odluke.

Napominjemo, da za jezičko-gramatičke formulacije, kao i za pojedina pravna rješenja u dostavljenom tekstu Prijedloga Odluke, Ministarstvo ne snosi odgovornost.

Poštovanje,

Dostaviti:

1 x Naslovu
1 x a/a



MINISTAR

Nebojša Nikolić



Hercegovina, Zenica. Kučukovići br. 2
Tel: 032/ 460 740 i 460 741; Fax: 032/460 742
e-mail: min.pravosudje@zdk.ba,
www.zdk.ba

Broj: 07-20-10383-3/21
Zenica, 30.07.2021. godine



02-08-2021

02/03
[Signature]

6777

MINISTARSTVO ZA POLJOPRIVREDU, ŠUMARSTVO I VODOPRIVREDU

PREDMET: Mišljenje na Prijedlog Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta
- dostavlja se

Nakon što je razmotrilo Prijedlog Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta, koji je dostavljen od strane Ministarstva za poljoprivredu, šumarstvo i vodoprivredu Zeničko-dobojskog kantona na mišljenje uz akt broj: 05-20-10383-3/21 od 22.07.2021. godine, Ministarstvo finansija Zeničko-dobojskog kantona u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16 i 15/18) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

Članom 58. stav (1) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21), propisano:

„Odgovornost za planiranje i stvaranje obaveza u okviru propisanog budžeta je isključivo na rukovodiocu budžetskog korisnika.“

Članom 21. stav 2. Zakona o organizaciji organa uprave u Federaciji BiH („Službene novine Federacije BiH“, broj: 35/05), propisano je da: „ako se za provođenje zakona ili drugog propisa koji se predlažu moraju osigurati određena finansijska sredstva, organi uprave obavezni su u obrazloženju tog propisa iskazati orijentacijski iznos finansijskih sredstava koja su potrebna za njegovo izvršavanje i odrediti izvore iz kojih treba osigurati ta sredstva.“

U tački IV Obrazloženja Prijedloga Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta, navedeno je: „donošenjem ove odluke neće iziskivati izdvajanje dodatnih finansijskih sredstava iz Budžeta Zeničko-dobojskog kantona odnosno donošenjem ove odluke dovest će do efikasnijeg utroška namjenskih sredstava.“

U Izjavi o fiskalnoj procjeni – Obrazac IFP-NE od 22.07.2021. godine, navedeno je: „donošenjem ove odluke neće iziskivati izdvajanje dodatnih finansijskih sredstava iz Budžeta Zeničko-dobojskog kantona odnosno donošenjem ove odluke dovest će do efikasnijeg utroška namjenskih sredstava.“

Imajući u vidu navedeno Obrazloženje Prijedloga Odluke i Izjavu o fiskalnoj procjeni, Ministarstvo finansija nema primjedbi iz svoje nadležnosti.

S poštovanjem!

Dostavljeno:

Naslovu,
 a/a.



OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
	23	MINISTARSTVO ZA POLJOPRIVREDU, ŠUMARSTVO I VODOPRIVREDU ZENIČKO-DOBOJSKOG KANTONA


B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	Prijedlog Odluke o stavljanju van snage Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona“, broj: 5/15)					

C 3. Izjava o nepostojanju dodatnih fiskalnih efekata predloženog propisa

Donošenjem ove odluke neće iziskivati izdvajanje dodatnih finansijskih sredstava iz Budžeta Zeničko-dobojskog kantona odnosno donošenjem ove odluke dovest će do efikasnijeg utroška namjenskih sredstava

D 4. Pečat i potpis odgovornog lica



Mjesto i datum

ZENICA, 18. 09. 2021. GODINE